



# LETTRE MENSUELLE

"Le Royaume des cieux est tout près de vous" Guérissez les malades, rendez la vie aux morts, guérissez les lépreux, chassez les esprits mauvais. Vous avez reçu gratuitement, donnez donc gratuitement"

BUREAU CENTRAL DE LA FPMA

MAI - JUIN 2019

N° 004



« Ary Izaho hangataka amin'ny Ray, ary Izy hanome anareo Mpananatra\* hafa mba ho eo aminareo mandrakizay, [\*Gr. Parakleto, dia Mpanampy, na Mpampahery, na Solovava] »

(Jaona 14:16)

Tsy misy ny Andriamanitra fahafatratra. Ny telo izay iray no mamaritra ny Andriamanitra Ray sy Zanaka ary Fanahy Masina izay inoantsika kristiana. Ny Andro Pentekosta no hanamarihan'Andriamanitra ny fanombohana ara-pomba ofisialy ny asan'ny Fanahy Masina ilay Andriamanitra fahatelo irahina hiahy ny kristiana tsirairay avy sy ny Fianganon'Andriamanitra.

Manomboka eo dia ny Fanahy Masina no miasa ao amin'ny kristiana tsirairay. Manazava ny saina sy ny fanahy ny amin'ny famantaranana ny tena sitrapon'Andriamanitra (Romana 12:2). Io Andriamanitra fahatelo io no manome ny fahazavana hahatonga ny kristiana tsirairay ho zanak'Andriamanitra. (Jaona 1:12). Ny Fanahy Masina no mampahery ny ktistiana sy ny Fianganana, manatanteraka ny asa fanamasinana (santification) ka manova tsikelikely ny tsirairay ho araka an'Andriamanitra ka mandamina sy manefy ny Fianganany ho tonga lafatra tsy hanan-tsiny amin'ny fihavian'ny Tompo indray (Efesiana 5:27). Ny Fanahy Masina no mampitoetra ny Finoana sy ny Fanantenana ary ny Fitiavana izay hany telo izay mitoetra (1 Korintiana 13:13).

Noho izany dia ny Fanahy Masina no Andriamanitra miasa ao amin'ny

## PENTEKOSTA 2019

**"Jesosy namaly ka nanao taminy hoe: Raha misy tia Ahy, dia hitandrina ny teniko izy; ary ny Raiko ho tia azy, ary hankao aminy Izahay ka honina ao aminy". Jao 14.23**

Faly miarahaba antsika ry havana mbola nomen'Andriamanitra tombon-tsoa manokana afaka mankalaza sy misaotra Azy amin'izao andro Pentekosta izao.

Raha misy firarian-tsoa mety atao amin'ny vanim-potoana toy izao dia io Jao 14.23 io no anisan'ny tsara indrindra: "Ho fonefan'Andriamanitra Ray Zanaka Fanahy Masina ny fonao".

Ho fonefan'Andriamanitra Ray Zanaka Fanahy Masina anie ny tokatranonao.

Satria izany tokoa ry havana no fahagagana sy fahasoavana lehibe ataon'ny Fanahy Masina ho an'izay mino an'i Jesosy Kristy nitsangana tamin'ny maty.

Raha mino an'i Jesosy ny olona ka tia Azy dia hoy Izy eo amin'ny and 16ss.: "Ary Izaho hangataka amin'ny Ray, ary Izy hanome anareo Mpananatra hafa mba ho eo aminareo mandrakizay, 17 dia ny Fanahin'ny fahamarinana, Izay tsy azon'izao tontolo izao horaisina, satria tsy hitany na fantany; fa ianareo no mahafantatra Azy, satria mitoetra eo aminareo Izy, ary ho ao anatinareo". Ary rehefa tonga ao am-pontsika ny



Fanahy Masina dia tsy mipetra-potsiny Izy fa mitarika antsika hitandrina ny tenin'i Jesosy sy ny didiny. Ary tsy izany ihany fa taominy koa ny Ray sy ny Zanaka honina ao amintsika. Izany no mahatonga an'l Jesosy hiteny eo amin'ny and 23 hoe: "Raha misy tia Ahy, dia hitandrina ny teniko izy; ary ny Raiko ho tia azy, ary hankao aminy Izahay ka honina ao aminy".

Tonga ao amintsika noho izany ny Ray sy ny Zanaka ary ny Fanahy Masina. Ny tena zava-dehibe amin'izany koa dia tafaombona amin'ny fifankatiavany'ny Ray Zanaka Fanahy Masina isika. Tafidittra ao amin'ny rohim-pitiavana misy amin'Izy ireo isika, ka lasa mahay mifankatia koa.

Izany no maha zava-dehibe ilay firarian-tsoa hoe: Ho fonefan'Andriamanitra Ray Zanaka Fanahy Masina anie ny fonao, ny fianakavianao, ny fianganantsika....

Mirary Pentekosta anjakan'ny fitiavan'i Kristy ho antsika.

Past Seth Rasolondraibe

## « Tsarovy ny andro Pentekosta ! »

(Asa 2,1-11) Pasteur Jean Teddy RAMAHERIJAONA

Manao fanati-tsitrano ho an'Andriamanitra ny olony ho fahatsiarovana ny fitahany amin'ny andro Pentekosta (andro fahadimampolo manaraka ny Paska no fankalazana izany, Deotoronomia 16,9-12).

Ny fahatsiarovana ny nanomezan'Andriamanitra ny Lalàna tao Sinay no nanolo ity fetim-bokatra ity, tamin'ny taonjato faharoa. Fahavokarana be ho an'ny mino an'i Jesoa kristy ny fahatanterahan'ny Pentekosta («tonga», and.1a) satria ny Fanahy Masina mihtisy

no nirotsaka avy any an-danitra, ka dia « feno ny Fanahy Masina » izy rehetra (and.4). Zavatra anankiroa no tsara ho tsarovana eto momba ny fahafenoan'ny Fanahy amin'ny mino (plénitude de l'Esprit). Fiombonan'ny mino amin'ny asa izay hitarihan'ny Fanahy azy, sy, fihainoany ny bitsiky ny Fanahy eo ampanarahana ny Tompo.

**• Fiombonana manao asa misiona:**  
Nateraky ny Fanahy Masina ny fiombonana ka mitaona ny olona hanao

Fiangonany; mitarika azy ary tokony hanjaka sy hanapaka ao am-pontsika kristiana ka hampitoetra ny Fitiavana (Romana 5:5). Hoy indrindra ny Tompo eto : « Raha tia Ahy ianareo, dia hitandrina ny didiko. » (Jaona 14:15). Ny didin'ny Tompo dia tsy inona fa ny fifankatiavana izay hahafantaran'ny olona fa mpianatr'i Kristy isika (Jaona 13:35). Miray saina miray fo miray ftiavana manompo an'Andriamanitra (Filipiana 2:1-2) ka hanao ho vain-dohan-draharaha ny fifankatiavana. Hoy indrindra Paoly Apositoly : « Aza avela hisy tsy voaloa na amin'iza na amin'iza, afa-tsy ny fifankatiavanareo ihany; fa izay tia ny namany dia efa nahatanteraka ny lalàna. » (Romana 13:8).

Tsy misy, hoy aho teo ampiandohana, ny Andriamanitra faha-efatra fa mbola ny Fanahay Masina no Irak'Andriamanitra Farany manadamina sy manatanteraka ny asam-panmonjena mandrak'ankehitriny. Raha lavina sy atosika ny Fanahy Masina abefa dia toy ny miteny ratsy ny Fanahy. Izany no isan'ny ny hevitry ny Tompo raha niteny hoe : « Fa izay miteny ratsy ny Fanahy Masina kosa dia tsy mahazo famelan-keloka mandrakizay, fa miendrika hohelohina ny amin'ny ota mandrakizay izy; izany no nolazainy, » (Marka 3:29). Tsy misy Andriamanitra faha-efatra hanarina ny tsy mety fa ny Fanahy Masina no hany skaiza miaradia amin'ny tsirairay sy ny Fianganan'Andrianamanitra.

Farany, ny Andro Pentekosta no hanehoan'Andriamanitra ny fiterahany ao am-pontsika mba hanjakan'ny Fiadanana ka ho tanateraka amintsika tsirairay anie ny tsodran'i Paoly Apostoly :

« Ary ny fiadanana'Andriamanitra, izay mihoatra noho ny fahalalana rehetra, hiaro ny fonareo sy ny hevitraiseo ao amin'i Kristy Jesosy. » (Filipiana 4:7)

Past Falimanana RAHARINDRANTO

## « Tsarovy ny andro Pentekosta ! »

(Asa 2,1-11) Tohiny - Pasteur Jean Teddy RAMAHERIJAONA

asa iombonana. Hita tamin'ireto mpino tafangona teo amin'ny fitoerana iray ireto izany (and.1b). Samy nandray mitovy sy nitondra ny mariky ny Fanahy avy ny mino rehetra (and.3). Tsy hay faritana ny Fanahy Masina satria Andriamanitra Izy (Jaona 4,24). Noho izany, rehefa tonga ao amin'ny olona Izy dia tamin'ny fahafenoany avokoa no nandraisany Azy fa tsy tamin'ny ampahany, na tamin'ny sombintsoibiny akory. Ny hoe « feno » dia milaza indrindra ny « fandrakofana ». Rakotry ny Fanahy ny mino ka iasàn'Andriamanitra tanteraka ny fony sy ny lelany mba hanambara ny Teniny madio. Tsy ilay olona amin'ny maha-izy-azy azy no re miteny (and.7) fa ny Fanahy izay manambara kosa ny asan'Andriamanitra, ho famonjena ny olona rehetra ao amin'i Jesoa Kristy Zanany (and.11. Ampitahao, Marka 13,11).

Miombona amin'ny asa misiona àry ny mino izay feno ny Fanahy Masina. Zarazaina ho samy hafa ny fiteny fa tokana kosa no hafatra entin'ny mino, satria Fanahy iray ihany no mitaona azy rehetra (and.11). Fanamby lehibe ho antsika izay miaina ny fiombonana ao anatin'ny fahasamihafana izany raha manaiky hotarihin'ny Fanahy tokoa ny Fianganana.



• **Fihainoana ny bitsiky ny Fanahy**  
Atao ahoana no fino izay olona tsy reny ? Ary hataony ahoana no fandre raha tsy misy mpitory (Romana 10,14)? Izany indrindra no maha zavadehibe izay voalaza teo aloha rehetra teo. Niombona tamin'ny talentany avy ny mpianatra mba hampita ny hafatra avy amin'ny Fanahy. Fa ny mpivavaka « tsara » kosa dia nandre ny hafatry ny famonjena, ary maro tamin'izy ireny no natao batisa mba handraisany ny Fanahy Masina (and.37-39). Lazaina hoe, mpivavaka tsara, izay rehetra manantena ny famonjen'Andriamanitra ka mitoetra ho olona mahatoky eo amin'ny fiarhamonina (Lioka 2,25). Ary tsy mba isan'ny nanaiky fahatany izay nitranga taminy izy ireny. Nanadihadihady tsara ny amin'ireto nahay tampoka ny fiteniny aloha no nataony (and. 7 sy 11). Moa tsy tokony hozahana toetra va ny fanahy na avy amin'Andriamanitra izany na tsia (1 Jaona 4,1)? Mbola misoko mangina ao amin'ny fianganana ny fanahy mamitaka ka maro no voasarika (1 Tm 4,1). Efa nanome toromarika ho an'ny mino ny Tompo mba hamantarana ny Fanahy Masina izay horaisin'izy ireo (Jaona 14,26). Mampianatra ary mampatsiaro ny amin'ny famonjen'Andriamanitra efa notanterahan'i Jesoa Kristy ny Fanahy fa tsy ny mifanohitra amin'izay akory.



### RNSA 2019



Tanteraka soamantsara ny 26-27-28 aprily 2019 teo tany Masseube ny RNSA 2019.

560 ny mpizaika tamin'izany. Samy nandray anjara tamin'ny hetsika ary nahazo fampianarana avy izay nifantoka tamin'ny loha-hevitra hoe "« fa mitomboa amin'ny fahasoavana sy ny fahalalana an'i Jesosy Kristy, Tomponsika sy Mpamony. » 2 Petera 3 : 18 ny rehetra.

Nandritra ny AG dia nisy ny fididianana ny birao vaovao, toy izao no tapaka tamin'izany:

Filoha: Nancy Harvel (Tafo Creil)

Mpitam-bola: Malalatiana  
Andrianjanahary (Tafo Fihobiana Paris)

Mpitantam-bola: Misa Rakotomalala (Tafo Toulouse)

Mpitian-tsoratra: Ony Rabemanantsoa (Tafo Aix-Marseille)

Mpanentana: Haingo  
Andrianandrasana (Tafo Bordeaux)

### AGENDA

■ CULTE JUBILE 60ème FPMA  
16 Juin 2019 à 10h00

Temple de la Rédemption, 16 rue  
Chauchat 75009 Paris

■ RNSTK: 5 au 7 Juillet 2019  
Saint-Laurent- Sur-Sèvre (85290)

■ 30ème Convention Annuelle du  
Fifohazana  
7 au 14 Juillet 2019